



3456

kat.komp

III.

Mag. St. Dr.

P

1695 26 martii.

Poena 2928.

Flasayński Matthaeus Joan. Vistima Apollini Cracis
ex principalibus coeli et terrae animalibus
litata.

Biblioteka Jagiellońska



stdr0002442

VICTIMA
APOLLINI CRACIO,
Ex Principalibus cæli & terræ, animantibus.
LITATA,

*Ac ad semestria verioris Sarmatiæ Tripodis Festa,
Dum*

VIII. VV. DD. PRIMÆ LAVREÆ,
CANDIDATI.

In Alma Vniuersitate Cracouiensi.

PER
Clarissimum & Admodum, Reuerendum Dominum,

M. MARTINUM
OSLINSKI,

Philosophiæ Doctorem, Regium, & Tylicia-
næ Eloquentiæ Professore, Canonicum, S. ANNÆ.
ARTIUM & PHILOSOPHIÆ BACCALAUREI.
In Frequentissima Magnorum Hospitum Corona,
RITV SOLENNI PRONVNCIARENTVR,

et
MATHIA IOANNE FLASZYNSKI,
Eiusdem Laureæ Candidato.

Symbolicè
In signum beneuolentissimi erga Concandidatos Affectus.

DICATA.

Anno ab oblatione Incarnatæ victimæ DEI Homini 1695.
Die 26. Martij.

CRACOVIAE, TYPIS VNIVERSITATIS.

In Stemma Illustrissimi & Reuerendissimi
ANTISTITIS.



BIBLIOTHECA
VNIV. MASSELL.
GRACOVENSIS

Credite nunc homines, adolescere tempora veris.
Perfectum vernans ver ROSA terna facit,
PRÆSVLIS ; igniuomos non expauescite motus
Cæli ; sub Terna iam filet ipse ROSA.
Æ hereus reboans sonus ; haud metuamus auersâ,
Offensi dextrâ, fulmina missa Iouis :
Placando Superos PRÆSVL iam sacra litasti
Dum Tua bina Ioui grandior Agna cadit.

Illustrissimo & Reuerendissimo Domino,
D. STANISLAO

à Słupow

S Z E M B E K,

DEI, & S. Sedis Apostolicæ gratiâ,
EPISCOPO DIONISIENSI,
SUFFRAGANEO, CANONICO, VICARIO
IN SPIRITVALIBUS, OFFICIALI GENERALI,
CRACOVIENSI.

Domino, Domino, & Patrono Amplissimo,



*Agno Tuo litaturus Honori Cracius Apollo, SZEMBECIANÆ prius abut in victimam Virtuti. ILLUSTRIS-
SIME, & REVERENDIS-
SIME ANTI-
STES. Vbi tot dedicatas SZEMBECIANO Nomi-
ni videt hostias, quot Gentilitia Cælestis Agni emula,
gratia Superis, ab omni genere volucrum & animantium petitas su-
perant victimas, Ha enim amantiores Pelicano, quia non ipsa tan-
tum tincta cruore pectora, famelicis immolant pullis; sed etiam to-
ta ad aras nata, se se integras utilitati boni publici in victimam of-
ferunt; & famelica Patria necessitati præbent in escam. Superiores
volucrum Principe Aquilâ, quæ in ipsa, non secus ac Olenia sidus
pluuiale Capella quæ dati Cælum præmia lactis habet, inuolauerunt;
ut non tam saua tempestatis & pluuia Astrologis auguria, quàm
clarioris post nubila Phæbi, omni populo exhibeant specimina. Quod-
si ipsum immolares Leonem, fortes Superi, non tam cum Hercule
ex Leone, quàm ex Augustâ Gentilitia SZEMBECORVM GE-
MELLÆ, non secus ac Cretea Altriciis, quam ipsi lones loco pretiosi
monilis gestare solebant, pelle, suum ambirent habere spoliū. Non
tàm Cornudimitias, virgineo mansuescentis amore unicornis, appe-
teret Latonia, quàm si ipsi non tam in casses, quàm in aras, ipsius*

mansuetudinis Symbola, pacifica SZEMBECORVM inciderent Amalthea. Tot ad aras heroica Virtutis, Sarmatiae Delphicus ad se immolandum reperit Mystas, quot excubantes pro Patriae aris in ILLVSTRISSIMO olim & MAGNIFICO DOMINO FRANCISCO SZEMBEK, CASTELLANO CAMENECENSI magnanimo Tuo Aeneâ (ut longo syllabo comprehensos prateream Anchises) atq; in Illustri & Magnifico Domino, PRÆCLAO STEPHANO SZEMBEK, CAPITANEO BECENSI, pari fortitudine Hectore, spectauit & intuetur Heroes. Tot Antistites, quot pro Ecclesiae focis, zelosissimos in Perillustri & Reuerendissimo Domino, MICHAËLE SZEMBEK, Canonico Cracouiensi & Varmieniensi: Perillustri & Reuerendissimo Domino, ANTONIO SZEMBEK, Canonico Pramishensi miratur Numas, stupetq; discentes adhuc magna spai & indolis Ascanios. Tantam in Gentilitiâ Antistitis Hostiâ, spectate Superi victimam, sed tanta magis ipsum attonita stupete Numina Praesulem; qui tot iam vobis pro Patriae aris & focis litauit munera. Illum aestimate Superi, ut pote unicum inter Sarmatiae Antistites, Phanicem. Pelicanum in amantissimo Praesule, agnoscite Praebiteri, qui vos proprio etiam sanguine reficere paratum se exhibet, dum unumquemq; ex vobis, in sinum beneuolentiae excipiens, suum intra pectus fouet & alit. Magnarum alarum Aquilam, in Pontifice adorate Sarmata, qui Iouis minister factus, ne in vos fulmina furenti iaciat dexterâ, expansis in Calum manibus, tonantem placat, & nè vos alto demissa ab æbere fulmina ledant, suâ facit & obtinet protectione. Ergo ILLVSTRISSE, & REVERENDISSE ANTISTES, inter tot debita Tibi venerationis hostias, cadentem SZEMBECIANÆ Virtuti in Victimam Cracium Apollinem, in cordis & animi Tui aram repone & Tuo immola honori. Sit ille laudis Tuae hostia, sit Magni Nominis victima. Tu autem illi Praesul & Corona, meorum verò obsequiorum meta & Coronis.

Vt pote.

Humillimi & deuinctissimi
Celsitudinis Tuae.

Serui & Clientes.

MATHIÆ IOANNIS FLASZYNSKI,
Primæ Lauræ Candidatus.

B. JOANNI
CANTIO,
CONFESSORI,

S. Theologiæ Doctori, & Professori,
Regni Poloniæ, & Academiæ Cracouien.

PATRONO.

*In Symbolum Devoti Cultûs,
Phœnix in extructo à seipso rogo moriens,
Cum Lemmate.*

Ipse sibi Victimâ, Ara rogas.



Rbs septicollis, Maxima gentium
Victrix & ingens Imperij thronus,
Placata quondam tot Deorum
Non recolas celebrare lustra.

Sacris nec aris more Quiritium

Impone Regum præmia. Non tibi
Gradiue, cùm Phæbus retrorsum
Solstitium peragit secundum.

Ingens litetur victima Romuli.

Nec Diua Pallas diuite munere,
Assurge; quod quondam superba
Troia Tuas posita est ad aras.

Non sol micantis lumine palpebræ,
Donis ab alto concidat in suis.

Nec Phæbe de Cælis videndo
Muneribus proprijs tumescat.

Nec laude Cæli fulgeat ambitus.

Fratresq; bini Tyndaridæ; & Tibi
Primis diebus seu Calendis
Iane bifrons solitos referri.

Non excitetis lætitiæ choros.
Nec Tu Cruentas confice victimas
Auguste Cæsar post Triumphos,
Insolitis Latij redemptus.
Gazis Litauit munera Gratia
Phœnix Tonantis, CANTIVS, inclyta
Et ara, festum, victimæq;
Atq; rogos sibi factus idem.
Toto quid autem tempore candida
Transacta vitæ sæcula denotant
CANTI? quid eruditas Pallas?
Innocua & sine labe virtus.
Nisi quod alti Numinis hostia
Inter labentis præmia gloriæ
Ingens Polonæ Litauæq;
Præsidium decus atq; gentis.
Tu castitatis lumen amabile,
Et rara Phœnix. Tu domitor Tui
Victorq; sensûs, Tuq; vitæ
Innocuæ typus atq; norma.
Te, nos in Astris supplice, viuimus,
Per tot peracti sæcula temporis.
Interq; sæuos Martis ignes,
Incolumes damus arma bellis.
Cui Nos litamus munera Cracia,
Et laureatæ nomina victimæ
Dicamus, vt nobis futuræ
Regula sisq; typus Mineruæ.
Ergo supernæ deliciæ domûs
Et magna nostræ gloria Palladis.
Gentisq; demum literatæ
Summa salus, Lechiæq; splendor.
Viuas in æuum cui Deus exitum
Nunquam reliquit, sed sine termino
Durare iussit, sicut vna
Sis Lechiæ rediuiua Phœnix.

Cla

CLARISSIMIS, EXCELLENTISSIMIS,
ET ADMODUM REVERENDIS DOMINIS.
DD. EXAMINATORIBVS.

Clarissimo & Admodum Reuerendo Domino,

D. M. IOANNI BALICKI,

Philosophiæ Doctori, Collegæ Maiori, Tratnouiano,
Cursûs Vladislaviani, & Hebr: Ling: Professori,
Canonico S. ANNÆ, Philosophicæ Facultatis
D E C A N O.

Clarissimo, & Admodum Reuerendo Domino,

D. M. MARTINO OSLINSKI,

Philosophiæ Doctori, Collegæ Maiori, Regio,
& Tylicianæ Eloquentiæ Professori,
Canonico Sanctæ ANNÆ.

Clarissimo ac Excellentissimo Domino,

D. M. G A S P A R O
C I E K A N O W S K I,

Philosophiæ Doctori, Astronomiæ Ordinario
Professori, & Domûs Minoris Seniori Patri.

In signum debitæ venerationis, & gratitudinis,

Pelicanus famelicis ex suo pectore,
escam præbens pullis.

Cum Lemmate.

Viscera præbet.



Oc Tibi donat speciale munus
Omnium Lucina parens in ortu
Dum famis dirâ Pelicane pulli
Strage laborant.

Inter atatis teneræ Camanas.

*Ne litent senis sua fata Parcís,
Ut tuos pascas proprio cruentus,*

Pectore, pullos.

*Hunc Tuum morem Pelicane, doctus
Ternio noster sequitur; Sophorum
Exhibens nobis meliore fonte*

Pectus apertum.

*Quod labor consauciat, atq; magna
Cura, quod demum Peripatus ipse
Mandat, ut mentis famis erudita*

Nulla supersit.

*Quid Tuus signat Tyrio colore
Purpura splendor, proprius Sophorum
Quem ter exactè reuoluta pinxit*

Terna semestris.

*Magne BALICKI: nisi quod labores
Sustines tantos, quibus ad decorem
Purpuram tingis Tibi, nam docendo*

Viscera prodis.

*Pro quibus magnam ut Superum diserte
Explices mentem, meliore normâ
Te iubent, his & cumulant superna*

Numina donis.

*Te sonant doctæ Cathedræ Sophorum,
Te Stoa magnæ Cratiæ Mineruæ,
Te colit prudens Academicus atq;*

Porticus, Alma.

*Matris, OSLINSKI decus auiternum
Occinunt victi Tibi semper euge
Omnium voto Sophiæ Magistri*

Io Triumphæ.

*Tullium dicit, fluidè perorat,
Ore docto Tyliciana suada
Te Professore venerando summa*

Rostra loquuntur.

Astra

*Astra sed dignas Tibi CIEKANŌVI
Prædicant laudes; quibus indidisti
Siderum cursus varios & alba
Lumina Phæbes.*

*Sive terrestres Geometra campos
Diuidis, æquo sibi iure iunctos,
Sive metiris radios & orbis
Signa superni.*

*Sive facundos, sapientis æui
Consulis fastos, Cathedrasq; stoa;
Semper insigni meritisq; plenus
Vincis honore.*

*Ergo quid tantis Gracia Minerva
Offeret noster titubans Apollo?
Ipsa quos tandem faciet tenella?
Musa fauores.*

*Vult tamen dignâ meritum Coronâ
Reddere, & vestras redimire frontes,
Hoc data à vobis modo Laureatæ
Laudis, honore.*

*Hoc iubent ultrò Thesides Athena
Ipse Parnassus Tibi docte mandat
Ternio, ut vobis Hecatombe nostrâ
Munera fiant.*

*Scilicet pignus comitati amoris,
In suos pullos, Pelicanus Ales,
Quos famis quando rabies reuexat
Viscere pascit.*

*Hic cedat vestro spoliū favori,
Hic sit ingentis meriti Corona
Atq; pro tanto studiū labore
Sit decus ingens.*

VICTIMA APOLLINI CRACIO.

I. V. D. IOANNI
SŁOWAKOWIC Crac.

Pullus Aquila irretortâ palpebrâ Solem inspiciens.

CUM LEMMATE.

Non degener est hostia Phœbi.



Agna Ministra Iovis Cæli fidiſſima custos,
Sidereæ ſedis Præſes Princepsq; volucrum,
Nacta ſuos felix Lucinæ munere pullos,
Auricomî nitidam deducit ſolis ad augem,
Et iubet intrepidîs oculis ſpectare nitorem,
Stantis in auge poli ſolis. Tunc ſi quis in alto
Impatiens contra radios non torquet ocellis,
Pullus; ab erecto nido mox exulat ille.

Sed qui conſpicio miratur lumine ſolem,
Ille eſt auricomî non degener hostia Phœbi.
Sic pariter magnam ſobolem tuus excitat Hector
Te SŁOWAKOWI, qui poſtquam magna Dearum,
Te Lucina dedit, ſolvitq; benigna parentis
Naturæ nodos teneroſq; repleverit artus,
Expoſuit ſoli. Cracidi dum limina Phæbi,
Juſſit adire: ſequiſq; pedum veſtigia magno.
Paſſu, ſe prodromo ſolem Cælumq; tueri.
Dotibus eximijs quæ creſcunt pulchrius in Te.
Vt Magni inſpicias munimina clara Parentis,
Atque modo fieres Parnasſei muneris hæres,

II. V. D. ANTONIO CHRZĄSZCZEWIC.

Olor ante mortem canens.

Cum Lemmate.

Litat non ſine Apolline Fatis.

Cognus perſpicio corpore candidus,
Per fluctus remeans perq; riuos olor,
Cum iam pauca nimis tempora videris.
Vitæ; aſt interitum ſtamina rumpere.
Parcas contulerit: contrahit omnium,
Membrorum tenuem congeriem; & canit.

Miro

*Miro Marte sibi non sine munere,
 Phœbi, Castalidis harmonia DEL.
 Cum Tu mellifluè verba sonantia.
 Promis cum cupidos Eloquij sono.
 CHRZĄSZCZEVI recreas. Non aliud faci.
 Quam laudes Cracio lingua canit Tua.
 Phæbo qui docuit sic Tua labia.
 Sermonis placidos promere spiritus.
 Ergo pro his meritis ocine gratias,
 Illi, mellifluâ voce valens olor.*

III. V. D. HYACINTHO CHRAPCZYNSKI.

Iunonia Aus pennas explicans

Cum Lemmate.

Quot Colores, tot munera dicat.

*I Deam varij coloris in Te,
 Non magnæ Superum Deæ & parenti
 Iunoni, sed Apollini refertos,
 CHRAPCZYNSKI facies favoris actus.
 Qui T. tam vario colore pulchrè,
 Vestivit nimium capacitæ,
 Mentis; cum celeri sagacitate.
 Tum quod Te docilem fluente lingvâ;
 In svada expolijt loqui diserte,
 Ut dignas Cracida valeres arte,
 Grates Lycio Apollini referre,
 Illius celebrando nomen orbi,
 Digne Sarmatico; propinquiore,
 Famâ tam celeri replendo partes,
 Ergo hos pro meritis litare debes,
 Quos Phæbus Tibi contulit colores,
 Et nunc perpetuam prehende Laurum.*

V. V. D. GREGORIO ANTONIO

LASZCZYNSKI Leop.

Catulus Leonis cum apertis natus oculis.

Cum Lemmate.

Phœbo visum pro munere debet.

*Non Dea principij vita, concessit in Orbem,
 Producto visum, non Tibi magna parens.
 Fronte oculos natura dedit, non clara propago.
 Non patrj lares, nec geuale solum.
 Magne [licet corpus parvum in æru] atro,
 Sed mansvete tamen nate Leone nepos;
 [Te catulum LASZCZYNSKI, visum intelligo famam]
 est Cracius primâ phæbus in urbe sedens.*

Hic visum donans Tibi lumina fecit aperta.
 Ut post Sarmatico clarus in Orbe fores.
 Quosquot enim magnas dotes sub nomine gestas,
 Quot numeras species, vel numerare potes,
 In Te virtutum; proprio candore micantis
 Quos pietatis erant pignora rara DEUM.
 Omnia Cymmerijs iacuisse septa tenebris,
 Nisi sum à Cracio splendor adesset ibi,
 Ergo Tuum Phæbo visum pro munere dones,
 LASZCZYNSKI. qui Te rite videre facit.

VI. V. D. FRANCISCO ZATORSKI.

Elephas Ingeniosissimum animal.

Cum Lemmate.

Offert quod ab Apolline sumpsit.

Ingentis alta mole vastum corporis,
 Portentum in Orbis parte Mater Africa,
 Produxit Elephantem Tonantis manu.
 Curaq; cunctorum domus magnæ DEVM,
 Hunc author erudit Apollo, carminum.
 Princeps, Dearum novem adjutus munere,
 Ut esset alto corpori miraculum,
 Equale parq; mente portentum suo.
 Produxit in Te Parnassus Lechia,
 ZATORSKI acumen dignum Musis ingeni.
 Mentisq; præclaræ vivax miraculum,
 Ergo offeras Phæbo quod à Parnasso habes,
 Et redde dignas gratias illi Tuæ,
 Qui Te beavit his mentis splendoribus,

VII. V. D. ALBERTO TOMASZEWSKI.

Unicornis ante Phæbum.

Cum Lemmate.

Cornu divitiis Phæbi litat in Aris.

Pro splendidius Vertice praditum,
 Cornu fronte gerens sua,
 Non vult uniceris vincula perpati,
 Nec diris laqueis dari,
 Si non Virgineo lumine percitus,
 Mansuescit celer, in loco,
 Quo libare solet concita flumina,
 Et fauces dare fontibus.
 Tunc iam compedibus corpora subjeit,
 Vires atq; suas litat.
 Et Noster pariter sic TOMASZEWSKIUS,
 Fecit, dum Cracia dedit.

Magnum

*Magnus conspicuum Palladi in sinum,
Frontis divitias sue,
Ergo laurigerum submove verticem,
Felix dotibus ingenij.*

VIII. V. D. JOANNI LASKOWSKI,
*Coronatum Vri Caput,
Cum Lemmate.
Cadat in Præmia Phæbo.*

Roma Caput Orbis, domitor omnium mundi,
Regnorum & omnis victimæ locus dista,
Si quando de victis suis triumphavit,
Hostibus, in hostias dabat suo Marti,
Tauri Caput, Parnassiam gerens laurum,
Semper memor victoriæ sibi datæ,
Tu quando, Diuis immolare, LASKOVI,
Nostræ Minervæ, vis focis, & addictus,
Sacrare Phæbo gratias cupis digne,
Post tot datam Victorias tibi Laurum,
Non iam boantis applices manu fronti,
Tauri, sed ingentis lites caput vri.

IV. V. D. MATHIÆ FLASZYNSKI.

Prima Laureæ Candidato

Authori operis

*Pegasus è litato Medusæ sanguine natus & in Helicone nutritum
Cum Epigraphe.*

Sis felix victima Musis.

IOANNES SŁOWAKOWIC.

Eiusdem Laureæ Candidatus.

*In argumentum mutui fraterni affectûs & gratulatorij
applausûs offert, dicat, consecratque.*

Arcana quondam gloria Persei.
Caput Medusæ robore nobili,
Aria Minervæ consecravit,
Mercurijq; focis litavit.
Ex cuius atro sanguine Victimæ.
Succrevit, olim Pegasus aliger,
Fosusq; Musarum secundus,
Profiliit; celerique passu.
vndam Thebarum, tum iuga montium,
Felix reliquit. Tu simili quoq;
C

*Curâ FLASZTNSKI destinata,
 Munera sacra liras Minerva.
 Sed clariori nomine Persei,
 Quod literati ponè monilibus,
 Cetus Minervæ laureatum,
 Et soc um numerum coronas.
 Tu quippe primis clarus honoribus,
 Trophæa condis Palladis Inclÿte
 Suadâq, Musarum secunda,
 Pandis opus vigilemq, mentem.
 Dicas; ut inter vota Pierj.
 Fias perennis victima Apollinÿ.
 Priscâq, d'etrina theatrum,
 Condecoras studio secundo.*



SUB AUSPICATO REGIMINE,
 MAGNIFICI, PERILLUSTRIS, ET REVERENDISSIMI DOMINI,
D. M. SEBASTIANI.
PISKORSKI,
 J. V. DOCTORIS, & PROFESSORIS, ECCLESIA-
 RUM, CATHEDRALIS CRACOVIE: & COLLEGIATÆ
 VIELUNENSIS CANONICI, SS. OMNIUM CRAC. ARCHIDIAconi,
 SCHOLARUM NOVODVORSKIANARUM PROVVISORIS,
 STUDII ALMÆ UNIVERSITATIS CRACOV: PROCANCELLARII,
 EJUSDEMQUE GENERALIS AC VIGILANTISSIMI
R E C T O R I S

J. xxi. 17.

